

BUSINA' 1970

Siuri e Siur, nùbilesim
 am present a vuiater
 cmé giédic cunciliatur
 gnienta per dì dii mà
 e gnienta per dispresà i pais
 ma per dì el rob cmé chi stòn.
 A l'é an pais vast e gros
 che u'stà tét an san baros.
 An tas pais a ié an curs
 che da u re l'é stac percurs
 a ié:ater quater vei
 che a i son propi purcherei,
 a ié ancora al prei an tera
~~sensè~~ che sa t'anciamp ad droc an tera,
 senza cùntà i spaghet
 cha ti tròv ai bei mùgiet.
 A ié la veia dla roca
 che la va sù poc per vota,
 aié i casté che ai va sù an toc a l'an
 e u lacié, bela pià, al va a finì an Tan.
 A ié la veia principal
 ca l'é quasi ina statal,
 anveci veia S. Catareina
 a l'é propi ina latreina.
 A ié anveci la veia cla va an si si pes
 ca l'é téta peina ad bég,
 ma la culpa ad chi ca l'é assà:
 a l'é dla gent che a la vé gnent pagà.
 Ant la veia dei burghet
 se at pas d'néc at fan net.
 An téti sti vei chà ioma numinà

du dì a ié ina illuminasiò ca l'é ina canunà,

ma ad néc as pé urinà

e sat vho anche cagà.

A l'é an pais piasà bé

che ai manca; fré, lignamé, ebarbé.

Al'é stac an gran dispiasì

quand che i prev a l'é partì;

tri di a ieru gnienta ancù pasà

che inater a l'era sa rivà.

I prev név dop ca l'é rivà

i parafélmin l'à fac mità:

téc cuntent dla cumudità.....

ma ansen i vé pagà.

An ti Municepi a ien mità u riscaldament

a ié quasi mai ansé an drent,

e tra coi poc che i son an drent

i né at coi che i capésu poc e nient.

Ma però a ié da dì

che cocadé ai fa per tri

e con la boina voluntà

coi cos a l'à cuminà.

A ié pé al palasi del schél

con dù stans per dés fiei

e tét u rimanent

i sta gent per poc e nient,

che però bsò ca la staga atent

quand chei fioca e i tira i vent.

Antl' asilo a aiera an bel salò

che i stava tét Rivarò

però cocadé a là avsù cambià i moviment

e soma avnù ampé ad niént.

Aioma pé in urlog che i va bé ina vota a l'an

e cola vota che i va bé

l'é sempr andrè ,

A ié an bar che u smeia in'ustereia
e tét la gent a la veia
perché a l'é semper ina fumereia.
A ié təc paisà con la testa dūra
che i lasu andà la tera an malùra
e pùtost che vendna an toc
i von an gir che i perdu i toc.
Quan chi ven la stagiò
del siresi e di, fasò
per la strà i pasa pù ansé:
ch'as decida amma sgagià
a preparà as név mercà
e con sa cumudità
anche i bal as putrà piantà.
A la festa patrunal
a ié stac an gran bal
e con l'utava ca ian fac
anche la banda a Rivarò a ié stac
.E pasanda an definitiva
a ien sarà la cuperativa
e che punto che a soma rivà
i finesu ad sarà anche la sucietà.
E anche la guardia cumunal
al'é avnù an pensiunà statal
e andanda da sta manera
Rivarò anveci da andà a nà i va andrera.
E per sarà l'argument
stoma təc amis e təc cuntent
e pasoma an carvà təc alegrement.